



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ivdicivm Revolvtionis Anni, M. D. LIII. & trini aspectus
capitis Medusae & Martis**

Basilicus, Jacobus

[S.l.], 1554

VD16 ZV 1094

Widmung

urn:nbn:de:hbz:466:1-12517

GENERO

SO DOMINO, DOMINO CASPARO Pflugio Nobili, Bp̄arni a Rabenstein, Bohemo, Betschouiaæ hæredi, Tachouiaq; Domino, &c. Iacobus Vasilicus Demarchetus Salutem
a Domino Iesu precatur.

GENEROSE DOMINE ET LONGA Nobilitate cognite Baro, Domine gratiose. Licet omnibus ætatibus inde planè ab orbe condito uaria uitia ac scelera inter mortales potenter uiguerint regnauerintq; , Tamen præsens hoc nostrum seculum malitia reliquas omnes ætates longè uincens, sua horribili peruersitate inductum iam olim de immundo mundo prouerbium planè egregiè confirmauit. Non quod ipsa rerum natura, quæ ab optimo opifice Deo optima creata est, per sese sit immunda, sed quod malorum hominum nequandis peccatis iniquissimisq; ac peruersissimis iudicij omnia peruertantur ac contaminentur. Quapropter cum ipse uiderem, contempto apud hoc nostrum triste seculum Dei uerbo & doctrina, rem uitamq; hominum eò delapsam, ut iam non Dei dilectus Filius eiusq; sacrosanctum Euangelium (quos alio-

A 2 qui solos

qui solos audiri omnipotens ille Pater coelitus iusserat) Verum uariae creaturae mira prodigia, tristia portenta, adeoque etiam ipsa astra ob nostri iudicij execrandam peruersitatem nos monere, & ad effugiendam uenturam, iam iamque imminentem iram, tristissimasque poenas (in testimonium illis inquit scriptura) cohortari cogantur, Cum inquam cernerem magis iam pro nefas astra, quam Deum eiusque uerbum audiri, egoque mediocrem operam in astrorum scientia haecenus collocassem, uolui & ego meam sententiam de eo, quod Deus optimus maximus, hoc anno per astra humano generi indicare uideretur, breuiter, licet ob alias quasdam occupationes nimis tarde, exponere. Imminent enim plane multae dominiorum mutationes, multae item inter inimicissimos coniunctiones & reconciliationes, imo quoque bonis, qui haecenus oppressi iacuerunt, egregia quaedam malarum rerum (ut omnium est uicissitudo) in bonas conuersio speranda est. Te autem potissimum generose Domine delegi, licet exulem & ipse exul, eximia tamen animi magnitudine, sinceritate ac probitate egregie cum omnium admiratione lucentem, cui hoc meum iudicium de huius ac superioris anni coniunctionibus dedicarem. Quod primum ac praecipue eo feci, ut, quoniam tuam egregiam innocentiam, animique miram lenitatem, modestiam, et ferme nimiam pacis quietisque cupiditatem a multis bonis rerumque peritis plenissime perdidici,

T. C.

T. C. solatium aliquod afferrem, ostenderemque
spem adesse bonis ac innocentibus, qui hactenus ab
alijs oppressi iniustissime fuerunt, eos aliquando tan-
dem uitam suam, a maioribusq; longissima serie reli-
ctam dignitatem fortunamq; Deo adiuuante, receptu-
ros esse. Volui etiam hac occasione meam spem cum
tuae clarissimae dominationis futurae felicitate coniun-
gere. Hoc igitur tenue meum studium & scriptum,
ut benigne accipias suppliciter & reuerenter, te pi-
entissime Domine ac patrone oro. Vale multis sae-
culis felicissime, atq; nos tuo patrocinio olim com-
mendatos seruato. Ex Mansfeldia 16. Ianu. Anno
a nato Domino, 1554.

PRAEFATIO MICHA- ELIS CAELII.

DULCISSIMA PROfecto VOX
est Filij Dei, & plena consolationis, quam so-
nat per Prophetam, dicens: Viuo ego nolo
mortem peccatoris, sed ut conuertatur & uiuat. Si-
gnificat enim se Deum esse non perdendi, sed saluos
faciendi, ut Psalmus inquit, tantum ut resipiscentes ad
se se conuertantur: Neq; uero hanc nostram conuer-
sionem requirit Deus tantum per ministerium Eccle-
siasticum, sed etiam omnes creaturæ, maxime uero sy-
derum positus testari uidentur, se in eum finem con-
ditos,